

DEPORTE LOKAL



**WILLEMSTAD---**Sentro Deportivo Kòrsou tabata esenario ayera pa apertura di Weganan Interinsular 2024.

Ta trata aki di evento deportivo entre alumnonan di skolan di Kòrsou, Aruba i Boneiru, ku lo finalisá awe, ku otro grandioso espektákulo, unda lo tin un gran fiesta di klousura inisiando 7'or di anochi riba Brionplein. Esaki unda ku ONE lo animá, ku presensia

## Grandioso apertura di 'Weganan Interinsular 2024'

tambe di entre otro 'Adjatay' di Kòrsou, Luis Moka di Boneiru i 'Rocco' Franken di Aruba.

E parti ofisial di apertura a tuma lugá ayera den sala deportivo Errol Rooi, pa seguidamente tambe inisiá ku e kompetensianan den e de-

portenan di Baskètòl 3x3, vòlibòl i tambe atletismo riba e pista den Stadion Ergilio Hato. Mientras tantu awe mainta lo sigui ku e kompetensia unda e weganan final tambe lo mira akshon. Pa e parti ofisial di apertura ayera, diferente di nos mandatarionan tabata

presente, den kompania entre otro tambe di esnan ku ta di bishita riba nos isla. Riba e

kombinashon di fotonan, por mira parti di e momentu di e apertura ofisial ayera, miembronan di e diferente delegashonnan i tambe entre otro dirigente i mandatarionan, kende tabata presente i inkluso a hiba palabra. •



Remko Bicentini:

## "Hopi reakshon pa informashon di e torneo"

**WILLEMSTAD---**Deporte Vigilante durante di e dia di ayera, a risibí yamada di e konosido tékniko di futbòl, kende tabata ku nos selekshon nashonal, Remko Bicentini. Esaki unda ku Remko, kende ta na Kòrsou pa algun dia, relashoná ku un proyekto huntu ku su junior David, a splika di a haña diferente reakshon despues di publikashonnan di Deporte Vigilante.



Remko Bicentini pa algun dia riba nos isla, trahando riba otro proyekto ku Kòrsou na pechu.

tin komo meta pa duna un i tur e oportunitat pa ehersé nan deporte preferí primeiramente i praktikando deporte, risibí un guia pa por ta un mihó hende pa nos komunidad.

Remko a splika ku durante di e dia di ayera, kasi unda ku el a akudí el a haña reakshon, komo interes pa partisipá den e torneo. Esaki unda ku mesora tabata surgi preguntanan pa mas informashon.

Hustamente pa esaki, Remko kier a kompartí un ke otro, ku demas ku tambe ta puntrando. Pues esnan interesá den e torneo ariba mensioná, por komuniká pa mas informashon, na info@bicentini-foundation.org. •

Un ke otro relashoná ku nan yegada i nan proyekto, kual ta e torneo di futbòl, "Fundashon Bicentini Street League" (van Straat naar Stadion), ku próksimamente lo bai inisiá riba nos isla. Ta trata aki di un torneo, unda ku muchanan ta enfrentá otro, hungando



## Goliada pa trio di nos selekshon

**HULANDA---**Trio di futbolistanan di nos, kende tur ta konosí ku nos selekshon nashonal di futbòl, a sufri derota pa goliada ayera.

Ta trata aki di e futbolistanan kende ta aktivo den Eerste Divisie di futbòl na Hulanda, ku e ekipo di Top Oss. Ayera nan tabata den akshon enfrentando e ekipo di Roda JC i a sufri derota pa goliada ku skor di 4-1, despues di tabata atras 3-0 na sosiegu. E trio ariba mensioná, ta formá pa futbolistanan Roshon van Eijma, defensor kende a hunga 90 minüt. Giovanni Troupee, kende ayera tabata aktivo komo mediokampista defensivo, kende tambe a hunga 90 minüt kompletu. I tambe e atakante Joshua Zimmerman, kende a inisiá i hunga 73 minüt. Nan a mester a konformá ku e derota, ku tabata unu di e diferente goliadan den e divishon aki, den weganan ku a mira akshon ayera. •

## Curfutsal ku 3 wega awe

**WILLEMSTAD---**Despues di e 2 promé anochinan, unda riba kada unu tabatin 2 wega, awe lo bira e promé fecha ku ta konosé 3 partido, den Curfutsal su kampionato 2024.

Lo bai ta weganan ku tambe lo hunga riba kancha di sala deportivo Niels Liberia den Stadion Suffisant.

ORA	KAT	EKIPONAN
19.00	B	Ocean View Plus vs Ocean View Royalty
20.00	A	FFCE United vs U.D. Koraal Specht 1
21.00	A	FC IGA vs Young Boys